



Provider Hub Daim Ntawv Xov Xwm | Lub Kaum Ob Hlis 2025

Tsab ntawv no tau xa mus rau cov neeg cuv npe txais Provider Hub Tsab Ntawv Xov Xwm. Yog ib tug neeg xa tsab email no rau koj, peb txhawb kom koj [cuv npe kom tau txais ncaj qha](#).

Zoo siab txais tos nyob rau Provider Hub Daim Ntawv Xom Xwm, uas luam tawm los ntawm pab pawg [Provider Hub](#) hauv Lub Xeev Minnesota! Peb zoo siab tias koj tuaj txog ntawm no.

Hauv tsab ntawv xov xwm no, koj yuav nrhiav tau:

- [Kev Pib Siv Rau Txhua Cheeb Tsam Rau Kev Tso Cai Los Siv Provider Hub Rau Cov Chaw Zov Me Nyuam Hauv Tsev](#)
- [Cov Provider: Cuv Npe Kom Tau Koom Hauv Kev Tawm Tswv Yim](#)
- [Cov Lus Qhia Los Ntawm Provider Hub: Tau Kev Pab Los Ntawm Cov Learning Libraries](#)
- [Cov Lus Qhia Los Ntawm Pab Pawg Product Success](#)
- [Kev Cuv Npe Rau Lub Rooj Sib Tham Txog Provider Hub Nyob Rau Lub Ib Hlis](#)
- [Kev Tso Tawm Tshiab](#)
- [Cov Kev Pab thiab Cov Ntaub Ntawv Tshiab](#)

Kev Pib Siv Rau Txhua Cheeb Tsam Rau Kev Tso Cai Los Siv Provider Hub Rau Cov Chaw Zov Me Nyuam Hauv Tsev

Lub caij nplooj zeeg no, pab pawg Provider Hub tau tshaj tawm txog **kev npaj rau txhua cheeb tsam** uas yuav tso cai rau cov chaw zov me nyuam hauv tsev los pib siv lub cuab yeej online no.

Peb siv cov cheeb tsam [economic development](#) uas lub Department of Employment and Economic Development (DEED) tswj hwm los pab faib cov cheeb tsam rau kev pib siv zuj zus thoob plaws lub xeev. Kev tso cai rau cov chaw zov me nyuam hauv tsev los pib siv Provider Hub yuav pib siv zuj zus raws li **cov cheeb tsam hauv qab no**:

- **Cov yuav pib siv thawj zaug:** Becker, Cass, Crow Wing, Douglas, Hubbard, Morrison, Stevens, Todd thiab Wadena (Cov cheeb tsam no koom tes nrog [Sourcewell](#) los muab kev pab rau kev tso cai rau cov chaw zov me nyuam hauv tsev.)
- **Tom qab ntawd, Cheeb Tsam 4, cov nroog (counties) nyob sab West Central:** Clay, Grant, Otter Tail, Pope, Traverse thiab Wilkin
- **Ntxiv mus, Cheeb Tsam 8, cov nroog nyob sab Southwest:** Cottonwood, Jackson, Lincoln, Lyon, Murray, Nobles, Pipestone, Redwood thiab Rock
- **Cheeb Tsam 2, cov nroog nyob sab Headwaters:** Beltrami, Clearwater, Lake of the Woods thiab Mahnommen
- **Cheeb Tsam 7E, cov nroog nyob sab East Central:** Chisago, Isanti, Kanabec, Mille Lacs thiab Pine
- **Cheeb Tsam 6E, cov nroog nyob sab Southwest Central:** Kthiabiyo, McLeod, Meeker thiab Renville
- **Cheeb Tsam 1, cov nroog nyob sab Northwest:** Kittson, Marshall, Norman, Pennington, Polk, Red Lake, thiab Roseau
- **Cheeb Tsam 9, cov nroog nyob sab South Central:** Blue Earth, Brown, Faribault, Le Sueur, Martin, Nicollet, Sibley, Waseca thiab Watonwan
- **Cheeb Tsam 7W, cov nroog nyob sab Central:** Benton, Sherburne, Stearns thiab Wright

- **Cheeb Tsam 3, cov nroog nyob sab Arrowhead:** Aitkin, Carlton, Cook, Itasca, Koochiching, Lake thiab St. Louis
- **Cheeb Tsam 6W, cov nroog nyob sab Upper Minnesota Valley:** Big Stone, Chippewa, Lac qui Parle, Swift thiab Yellow Medicine
- **Cheeb Tsam 10, cov nroog nyob sab Southeast:** Dodge, Fillmore, Freeborn, Goodhue, Houston, Mower, Olmsted, Rice, Steele, Wabasha thiab Winona
- **Thiab xaus nrog Cheeb Tsam 11, cov nroog nyob sab Twin Cities:** Anoka, Carver, Dakota, Hennepin, Ramsey, Scott thiab Washington

Thov rov saib tsab ntawv hloov tshiab [lub caij nplooj zeeg xyoo 2025 \(PDF\)](#) — uas tau xa rau cov neeg zov me nyuam hauv tsev rau Hnub Tim 10 Lub Kaum Ib Hlis, Xyoo 2025 — kom paub cov ntsiab lus ntxiv, suav nrog cov ntaub ntawv hais txog lub sij hawm tam sim no thiab yuav ua li cas thiaj li tau txais cov ntaub ntawv tshiab thiab npaj kom txaus rau kev pib siv.

[Rov mus rau saum toj](#)

Cov Provider: Cuv Npe Kom Tau Koom Kev Tawm Tswv Yim

Koj puas yog ib tus provider uas tam sim no tab tom siv los sis yuav siv Provider Hub? Koj puas xav qhia txog koj tej kev xav thiab paub? Thov ua tiav [daim ntawv no](#) kom qhia tau rau peb paub.

Pab pawg Provider Hub muaj kev tshawb fawb thiab kev sim kuaj nrog cov provider yam tsis tu ncuas los pab qhia txoj kev uas peb tab tom tsim thiab txhim kho rau lub cuab yeej online no.

Thaum koj ua tiav [Daim Ntawv Xav Qhia Tawm Tswv Yim](#), koj lub npe thiab koj cov ntaub ntawv tiv tauj yuav raug ntxiv rau ib daim ntawv teev npe. Pab pawg Provider Hub mam li siv daim ntawv ntawd los hu rau cov provider thaum muaj kev tshawb fawb los sis kev sim kuaj uas xav tau.

Daim ntawv no yuav nug me ntsis txog koj qhov program thiab yam kev tshawb fawb uas koj yuav xav koom (xws li kev tshawb fawb, kev xam phaj, kev cob qhia). Cov ntaub ntawv no pab kom peb muab kev tawm tswv yim uas yuav phim raws li cov providers txoj kev xav koom tau.

Ua tsaug rau koj lub sij hawm thiab koj txoj kev paub!

[Rov mus rau saum toj](#)

Cov Lus Qhia Los Ntawm Provider Hub: Tau Kev Pab Los Ntawm Cov Learning Libraries

Peb lub hom phiaj yog kom cov neeg siv Provider Hub tau txais kev pab thaum lawv xav tau. Learning libraries yog cov ntawv uas raug faib ua pawg raws li cov ntsiab lus uas:

- Muab cov ntaub ntawv cuam tshuam tso ua ke rau tib qhov chaw
- Muab kev taw qhia kauj ruam zuj zus rau koj — thiab cov neeg pab koj — siv tau txhua lub sij hawm
- Pab kom koj muaj kev ntseeg siab siv tau lub cuab yeej online kom ua tiav tej hauj lwm

Cov learning libraries uas muaj tam sim no

- [Basics](#) — pab koj pib thiab ua tau tej hauj lwm kom tiav hlo.
- [Technology Resources](#) — qhia cov technology uas koj xav tau los siv lub cuab yeej online, thiab muab cov ntaub ntawv pab kom koj tau txais kev pab txog technology
- [User Access](#) — pab kom cov neeg siv hauv Provider Hub tau qhov kev nkag mus uas lawv yuav tsum tau los txhawb koj qhov program hauv lub cuab yeej online

Licensing/certification (kev tso cai/kev pov thawj) — cov ntaub ntawv npaj rau cov chaw zov me nyuam uas muaj daim ntawv tso cai los sis daim ntawv pov thawj kom nkag siab thiab taug qab los siv qhov hauj lwm kev tso cai/kev pov thawj hauv lub cuab yeej online no:


- [Cov Tsev Zov Me Nyuam Muaj Daim Ntawv Tso Cai | Kev Tso Cai](#)
- [Cov Tsev Zov Me Nyuam Muaj Daim Ntawv Pov Thawj | Kev Pov Thawj](#)

Great Start Compensation Support Payment Program — cov ntaub ntawv npaj pab koj ua raws li cov cai hauv qhov kev pab cuam thiab txais tau cov nyiaj them kom yog thiab zoo:

- [Great Start Compensation | Daim Ntawv Thov](#)
- [Great Start Compensation | Daim Ntawv Tshaj Tawm Kev Siv Nyiaj](#)
- [Supplier ID Learning Library](#)

Yuav nrhiav tau li cas

Ntxiv rau cov links uas txuas ncaj qha saum no, koj nrhiav tau cov learning libraries hauv ntu **Resources** ntawm [Provider Hub](#) qhov webpage.



Lawv kuj nrhiav tau hauv seem **Help & Resources** thaum koj nkag mus rau hauv lub [cuab yeej online](#) thiab.

Nws pab rau leej twg

- **Cov provider tshiab** uas tab tom pib siv lub cuab yeej online
- **Cov neeg siv tam sim no** uas xav tau kev pab nco txog los sis kev pab sai
- **Txhua tus uas tab tom npaj** yuav siv Provider Hub rau yav tom ntej

Qhia koj cov tswv yim

Koj puas tau siv cov learning libraries? Lawv puas pab tau koj? Puas muaj yam ntaub ntawv dab tsi uas koj xav tau ntxiv? Thov qhia rau peb paub ntawm providerhub@state.mn.us!

Txij thaum thawj zaug peb nthuav qhia txog cov learning libraries hauv [tsab ntawv xov xwm nyob rau lub Yim Hli \(PDF\)](#), pab pawg Provider Hub twb tsim thiab kho dua tshiab ntau qhov lawm, thiab tseem tab tom txuas ntxiv tsim raws li kev tawm tswv yim ntawm cov neeg siv.

[Rov mus rau saum toj](#)

Cov Lus Qhia Los Ntawm Pab Pawg Product Success

Pab pawg Product Success — pab pawg kws tshaj lij hauv zos uas pab koj ua tiav kev siv Provider Hub — muaj ob lub tswv yim los qhia raws li cov kev sib tham tsis ntev los no nrog cov neeg siv:

Yuav tsis yog tus Neeg Muaj Cai Tag Nrho ntawm koj qhov program ntxiv lawm?

Ua ntej tus Neeg Muaj Cai Tag Nrho tawm hauv qhov program, thov xa ib qho kev thov hloov (change request) hauv Provider Hub kom muab tau tus Neeg Muaj Cai Tag Nrho tshiab los hloov rau qhov chaw ntawd.

Cov ntawv qhia no yuav pab koj qhia txog tias yuav tsum ua li cas:

- [Cov Tsev Zov Me Nyuam Muaj Daim Ntawv Pov Thawj | Kev Thov Hloov Koj Tus Neeg Muaj Cai Tag Nrho](#)
- [Cov Tsev Zov Me Nyuam Muaj Daim Ntawv Tso Cai | Kev Thov Hloov Koj Tus Neeg Muaj Cai Tag Nrhov](#)

Xav hloov qhov ntau (capacity) ntawm lub chav zov me nyuam?

Xa daim ntawv thov hloov Chav Siv (Room Usage) kom hloov tau qhov ntau ntawm ib chav zov me nyuam ntawm koj qhov program. Yog tias thaum koj ua daim ntawv no thiab pom cov thawv liab, nco ntsoov qhib txhua chav uas muaj kab ntug liab thiab xaiv hom kev pab.

Daim ntawv no tuaj yeem pab tau: [Cov Tsev Zov Me Nyuam Muaj Daim Ntawv Tso Cai | Kev Thov Hloov Txog Ib Chav Siv](#)

Tiv tauj rau pab pawg

Yog koj xav tau kev pab txog cov hauj lwm no los sis lwm yam hauj lwm hauv Provider Hub, hu rau 651-431-6075 los sis [xa ib qho case](#) thaum koj nkag mus rau hauv Provider Hub. Peb teb cov case no rau hnuv Monday txog Friday ntawm 8:00 a.m. txog 4:30 p.m.

Yog tsis muaj leej twg tuaj yeem teb tau thaum koj hu, thov tso lus. Thov hais qhia ntau li ntau tau ntawm cov ntaub ntawv hauv qab no:

- Koj lub npe

- Lub npe ntawm qhov program
- Xov tooj
- Cov lus nug thiab/los sis cov kev thov
- Tus lej ntawm koj daim ntawv tso cai ua lag luam (yog muaj/yog tsim nyog)

Peb tsis muaj peev xwm paub txog tej ntaub ntawv txog tus neeg hu tuaj yog tias lawv tsis tso lus. Yog li ntawd, txhua yam koj tso hauv koj cov lus yuav pab peb teb tau rov qab rau koj kom sai thiab ceev.

Txawm koj tso lus los sis xa ib qho support case hauv online, peb yuav siv 24 xoj moos los teb cov case no— kuj yuav txawv me ntsis raws li seb peb cov case no muaj ntau npaum li cas thiab.

[Rov mus rau saum toj](#)

Kev Cuv Npe Rau Lub Rooj Sib Tham Txog Provider Hub Nyob Rau Lub Ib Hlis

Pab pawg Provider Hub yuav tuav peb lub rooj sib tham online rau pej xeem tom ntej rau Hnub Tuesday, Hnub Tim 20 Lub Ib Hlis, Xyoo 2026, thaum 6 moos tsaus ntuj txog 7 moos tsaus ntuj.

Leej twg xav kawm ntxiv txog Provider Hub yeej txais tos tuaj koom. Cov ncauj lus yuav suav nrog, kev txhim kho Provider Hub uas ua tau tsis ntev los no thiab yuav muaj rau yav tom ntej, cov lus qhia pab siv lub cuab yeej online kom zoo, cov ntaub ntawv tshiab los sis kev hloov tshiab. Peb yeej txais tos kom cov neeg tuaj koom hais tawm lawv tej lus nug thaum tab tom sib tham.

[Thov cuv npe ua ntej](#). Yog koj muaj kev xav tau txog tej yam kev pab (piv txwv li, ib tug neeg txhais lus), thov cuv npe ob lub as thiv ua ntej qhov kev sib tham.

Yog koj tuaj koom tsis tau lub rooj sib tham hauv Lub Kaum Ib Hlis, [koj tuaj yeem rov saib tau daim yeeb yaj kiab uas tau kaw tseg ntawm qhov kev sib tham no](#) uas tau tuav rau Hnub Tim 18 Lub Kaum Ib Hlis, thiab saib cov ntaub ntawv qhia nyob hauv thiab uas tau muaj txhais ua lus: [English \(PDF\)](#) thiab [Hmoob \(PDF\)](#).

[Rov mus rau saum toj](#)

Kev Tso Tawm Tshiab

Peb tau ua qee yam kev txhim kho rau Provider Hub rau Hnub Tim 22 Lub Kaum Hli thiab Hnub Tim 19 Lub Kaum Ib Hlis. Cov kev hloov tshiab suav nrog:

- Hloov cov xim ntawm qee cov tsiaj ntawv thiab cov kev zoo nkauj kom sib txawv thiab pab kom nkag siab thiab nyeem tau yooj yim dua
- Hloov cov lus “child care” mus ua “social service” rau ntawm Provider Hub lub homepage thiab ib feem ntawm qhov txheej txheem thov tshiab kom npaj txhij rau lwm yam ntawv tso cai rau yav tom ntej
- Kho qhov teeb meem uas tshwm sim thaum cov provider teev ib tus bank account uas pib nrog tus lej 0 hauv cov ntaub ntawv cuv npe CCAP tshiab thiab hauv cov kev thov hloov tshiab


Thov saib cov lus qhia txog kev hloov tshiab tshaj tawm rau ntawm [lub Kaum Hli](#) thiab lub [Kaum Ib Hlis](#) kom paub ntau ntiv txog cov kev hloov tshiab no.

YAM TSHIAB — txhua tus neeg siv Provider Hub uas yog Tus Neeg Muab Cai tau txais cov lus qhia tshiab nyob rau lub Kaum Ib Hlis hauv email (tsis yog rau cov Neeg Muaj Cai Tag Nrho nkaus xwb) (Delegated Authority access). Nyob rau yav tom ntej, peb npaj yuav txuas ntiv xa cov ntawv qhia tshiab rau pab pawg loj dua ntawm cov neeg siv uas siv lub cuab yeej online yam tsis tu ncua.

[Rov mus rau saum toj](#)

Cov Kev Pab thiab Cov Ntaub Ntawv Tshiab

Ntxiv rau [cov learning libraries uas tau hloov tshiab](#) lawm, **cov tsev zov me nyuam uas muaj daim ntawv pov thawj** tam sim no muaj kev nkag tau rau cov lus qhia kauj ruam zuj zus rau qhov txheej txheem ua daim ntawv thov tshiab: [Daim Ntawv Thov Rau Daim Ntawv Pov Thawj Tshiab - Theem 1 \(Apply for a New Certification – Phase 1\)](#)



[Rov mus rau saum toj](#)

Hais Txog Provider Hub

Provider Hub yog ib qho cuab yeej online uas cov neeg muab kev pab cuam social service siv los thov thiab tswj cov ntawv tso cai, nyiaj pab, thiab kev koom nrog lwm yam kev pab cuam los ntawm tsoom fwv.

Pab pawg Provider Hub ua hauj lwm los txhim kho lub cuab yeej online thiab tshaj tawm cov hauj lwm tshiab uas yuav ua tau. Raws li peb tab tom txhim kho ntxiv, yuav muaj coob tus provider yuav tau nkag los mus siv. Thov mus saib [Provider Hub](#) qhov webpage kom paub txog cov ntaub ntawv tshiab tam sim no.

Hais Txog Provider Hub Daim Ntawv Xov Xwm

Tsab ntawv xov xwm no muab cov ntaub ntawv qhia **dav** txog Provider Hub rau cov neeg siv tam sim no thiab rau yav tom ntej, nrog rau lwm tus uas xav paub. Peb xa tsab ntawv xov xwm tshiab no txhua ob lub hlis. Koj nrhiav tau cov ntawv xov xwm yav dhau los hauv [Provider Hub](#) qhov webpage.

Peb tsis xav hloov qhov no los ua yam hloov rau cov ntaub ntawv xa ncaj qha rau cov pawg tshwj xeeb — xws li cov ntawv ceeb toom rau cov neeg siv Provider Hub tam sim no los sis cov ntaub ntawv rau cov neeg tab tom npaj pib siv. Cov ntawv ntawd yuav muab xa raws li ib txwv xa dhau los.

Qhia tsab ntawv xov xwm no rau lwm tus

Koj puas paub ib tus neeg uas yuav xav tau cov ntawv xov xwm txog Provider Hub? Thov xa tsab email no rau lawv thiab txhawb kom lawv [los cuv npe kom tau txais cov ntawv xov xwm no ncaj qha](#).

[Rov mus rau saum toj](#)